



СЕМЕЙНЫЙ МОЛТВОСЛОВ



СЕМЕЙНЫЙ  
МОЛТВОСЛОВ









# СЕМЕЙНЫЙ МОЛТВОСЛОВ



ХАРЬКОВ  КЛУБ  
БЕЛГОРОД СЕМЕЙНОГО  
2015 ДОСУГА



УДК 22  
ББК 86.37  
С30



Никакая часть данного издания не может быть  
скопирована или воспроизведена в любой форме  
без письменного разрешения издательства

*Михалицын Павел Евгеньевич*, кандидат богословия,  
преподаватель Харьковской духовной семинарии

В оформлении обложки использована  
икона Божией Матери «Донская»

Дизайнер обложки *Сергей Ткачев*

ISBN 978-966-14-8691-0 (Украина)  
ISBN 978-5-9910-3147-9 (Россия)

- © DepositPhotos.com / Extezy, krabata, обложка, 2015
- © Книжный Клуб «Клуб Семейного Досуга», издание на русском языке, 2015
- © Книжный Клуб «Клуб Семейного Досуга», художественное оформление, 2015
- © ООО «Книжный клуб "Клуб семейного досуга"», г. Белгород, 2015



# МОЛИТВЫ ЕЖЕДНЕВНЫЕ

## МОЛИТВЫ УТРЕННИЕ

*Востав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:*

Во имя Отца, и Сына, и Святаго Духа. Аминь.

*Затем немного постой молча, пока все чувства твои не придут в тишину и мысли твои не оставят все земное, и тогда произноси следующие молитвы, без поспешности и со вниманием сердечным.*

*Молитва мытаря<sup>1</sup>*  
(Евангелие от Луки, глава 18, стих 13)

Боже, милостив буди мне грешному. (Поклон.)<sup>2</sup>

*Молитва предначинательная*

Господи Иисусе Христе, Сыне Божий, молитв ради Пречистыя Твоея Матере и всех святых, помилуй нас. Аминь.

Слава Тебе, Боже наш, слава Тебе.

---

<sup>1</sup> Название молитвы не читается.

<sup>2</sup> Напечатанное курсивом (пояснения) не читается во время молитвы.

*Молитва Святому Духу*

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша<sup>3</sup>.

*Трисвятое*

Святой Боже, Святой Крепкий, Святой Безсмертный, помилуй нас. (*Читается трижды, с крестным знаменем и поясным поклоном.*)

Слава Отцу и Сыну и Святому Духу, и ныне и присно и во веки веков. Аминь.

*Молитва ко Пресвятой Троице*

Пресвятая Троице, помилуй нас: Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. (*Трижды.*) Слава, и ныне: <sup>4</sup>

*Молитва Господня*

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш, насущ-

<sup>3</sup> От Пасхи до Вознесения вместо этой молитвы читается тропарь: «Христос воскрес из мертвых, смертию смерть поправ и сущим во гробех живот даровав». (*Трижды.*) От Вознесения до Троицы начинаем молитвы со «Святой Боже...», опуская все предшествующие. Это замечание относится и к молитвам на сон грядущим.

<sup>4</sup> Когда написано «Слава:», «И ныне:», надо читать полностью: «Слава Отцу и Сыну и Святому Духу», «И ныне и присно и во веки веков. Аминь».

ный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

### *Тропари Троицные*

Воставше от сна, припадаем Ти, Блаже, и ангельскую песнь вопием Ти, Сильне: Свят, Свят, Свят еси Боже, Богородицею помилуй нас.

**Слава:** От одра и сна воздвигл мя еси, Господи, ум мой просвети и сердце, и устне мои отверзи, во еже пети Тя, Святая Троице: Свят, Свят, Свят еси, Боже, Богородицею помилуй нас.

**И ныне:** Внезапно Судия приидет, и коегождо деяния обнажатся: но страхом зовем<sup>5</sup> в полунощи: Свят, Свят, Свят еси, Боже, Богородицею помилуй нас. Господи, помилуй. (12 раз.)

### *Молитва ко Пресвятой Троице*

От сна встав, благодарю Тя, Святая Троице, яко многия ради Твояе благодости и долготерпения не прогневался еси на мя, лениваго и грешнаго, ниже погубил мя еси со беззаконьми моими, но человеколюбствовал еси обычно, и в нечаянии лежащаго воздвигл мя еси, во еже утреневати и славословити державу Твою. И ныне, просвети мои очи мысленныя, отверзи моя уста поучатися словесем Твоим, и разумети заповеди Твоя, и творити волю Твою, и пети Тя во исповедании сердечнем, и воспевати

<sup>5</sup> В церковнославянском языке нет звука ё, а поэтому надо читать «зовем», а не «зовём», «твое», а не «твоеё», «мое», а не «моё» и т. д.



всесвятое имя Твое, Отца и Сына и Святаго Духа, и ныне и присно и во веки веков. Аминь.

Приидите, поклонимся Цареве нашему Богу. (Поклон.)

Приидите, поклонимся и припадем Христу Цареве нашему Богу. (Поклон.)

Приидите, поклонимся и припадем Самому Христу Цареве и Богу нашему. (Поклон.)

### Псалом 50

Помилуй мя Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя, яко беззаконие мое аз знаю, и грех мой предо мною есть выну. Тебе единому согреших и лукавое пред Тобою сотворих, яко да оправдишися во словесех Твоих, и победиши внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом, и очищуся омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей Боже, Боже спасения моего возрадуется язык мой правде Твоей. Госпо-

ди, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен сердце сокрушено и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския: тогда благоволиши жертву правды, возношение и всесожегаемая, тогда возложат на олтарь Твой тельцы.

### *Символ веры*

<sup>1</sup>Верую во единого Бога Отца Вседержителя, Творца небу и земли, видимым же всем и невидимым. <sup>2</sup>И во единого Господа Иисуса Христа, Сына Божия Единородного, Иже от Отца рожденного прежде всех век; Света от Света, Бога истинна от Бога истинна, рожденна, несотворенна, единосущна Отцу, Имже вся быша. <sup>3</sup>Нас ради человек и нашего ради спасения сшедшаго с небес и воплотившагося от Духа Свята и Марии Девы, и вочеловечшася. <sup>4</sup>Распятаго же за ны при Понтийстем Пилате, и страдавша, и погребенна. <sup>5</sup>И воскресшаго в третий день по Писанием. <sup>6</sup>И возшедшаго на небеса, и седяща одесную Отца. <sup>7</sup>И паки грядущаго со славою судити живым и мертвым, Егоже Царствию не будет конца. <sup>8</sup>И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшего пророки. <sup>9</sup>Во едину Святую, Соборную и Апостольскую Церковь. <sup>10</sup>Исповедую едино крещение во оставление грехов. <sup>11</sup>Чаю воскресения мертвых, <sup>12</sup>и жизни будущаго века. Аминь.

*Молитва 1-я, святого Макария Великого*

Боже, очисти мя грешнаго, яко николиже сотворих благое пред Тобою; но избави мя от лукаваго, и да будет во мне воля Твоя, да неосужденно отверзну уста моя недостойная и восхваляю имя Твое святое, Отца и Сына и Святаго Духа, и ныне и присно и во веки веков. Аминь.

*Молитва 2-я, того же святого*

От сна встав, полунощную песнь приношу Ти, Спасе, и припадая вопию Ти: не даждь ми уснути во греховней смерти, но ущедрю мя, распныйся волею, и лежащаго мя в лености ускорив возстави, и спаси мя в предстоянии и молитве, и по сне ночнем возсияй ми день безгрешен, Христе Боже, и спаси мя.

*Молитва 3-я, того же святого*

К Тебе, Владыко Человеколюбче, от сна встав прибегаю, и на дела Твоя подвигаюсь милосердием Твоим, и молюся Тебе: помози ми на всякое время, во всякой вещи, и избави мя от всякия мирския злыя вещи и диавольскаго поспешения, и спаси мя, и введи в Царство Твое вечное. Ты бо еси мой Сотворитель и всякому благу Промысленник и Податель, о Тебе же все упование мое, и Тебе славу возсылаю, и ныне и присно и во веки веков. Аминь.

*Молитва 4-я, того же святого*

Господи, Иже многою Твоею благостию и великими щедротами Твоими дал еси мне, рабу Твоему, мимошедшее время ночи сея без напасти прейти

от всякаго зла противна; Ты Сам, Владыко, всяческих Творче, сподоби мя истинным Твоим светом и просвещенным сердцем творити волю Твою, и ныне и присно и во веки веков. Аминь.

*Молитва 5-я, святого Василия Великого*

Господи Вседержителю, Боже сил и всякия плоти, в вышних живый и на смиренныя призираай, сердца же и утробы испытуй и сокровенная человек яве предведый, Безначальный и Присносущный свете, у Него же несть пременения, или преложения осенение; Сам, Безсмертный Царю, приими моления наша, яже в настоящее время, на множество Твоих щедрот дерзающе, от скверных к Тебе устен творим, и остави нам прегрешения наша, яже делом, и словом, и мыслию, ведением, или неведением согрешенная нами; и очисти ны от всякия скверны плоти и духа. И даруй нам бодренным сердцем и трезвенною мыслию всю настоящего жития ночь прейти, ожидающим пришествия светлаго и явленнаго дне Единороднаго Твоего Сына, Господа и Бога и Спаса нашего Иисуса Христа, в оньже со славою Судия всех приидет, комуждо отдати по делу его; да не падше и обленившися, но бодрствующе и воздвижени в делание обрящемся готови, в радость и Божественный чертог славы Его совнидем, идеже празднующих глас: непрестанный, и неизреченная сладость зрящих Твоего лица доброту неизреченную. Ты бо еси истинный Свет, просвещаай и освящаай всяческая, и Тя поет вся тварь во веки веков. Аминь.

*Молитва 6-я, того же святого*

Тя благословим, вышний Боже и Господи милости, творящего присно с нами великая же и неизследованная, славная же и ужасная, ихже несть числа, подавшего нам сон во упокоение немощи нашея, и ослабление трудов многотрудныя плоти. Благодарим Тя, яко не погубил еси нас со беззаконными нашими, но человеколюбствовал еси обычно, и в нечаянии лежащая ны воздвигл еси, во еже славословити державу Твою. Темже молим безмерную Твою благодать, просвети наша мысли, очеса, и ум наш от тяжкаго сна лености возстави: отверзи наша уста, и исполни я Твоего хваления, яко, да возможем непоколеблемо пети же и исповедатися Тебе, во всех, и от всех славимому Богу, Безначальному Отцу, со Единородным Твоим Сыном, и Всесвятым и Благим и Животворящим Твоим Духом, ныне и присно, и во веки веков. Аминь.

*Молитва 7-я, ко Пресвятой Богородице*

Воспеваю благодать Твою, Владычице, молю Тя, ум мой облагодати. Ступати право мя настави, путем Христовых заповедей. Бдети к песни укреи, уныния сон отгоняющи. Связана пленицами грехопадений, мольбами Твоими разреши, Богоневесто. В нощи мя и во дни сохраняй, борющихся враг избавляющи мя. Жизнодателя Бога рождающая, умерщвлена мя страстьми оживи. Яже Свет невечерний рождающая, душу мою ослепшую просвети. О дивная Владычня палато, дом Духа Божественна мене сотвори. Врача рождающая, уврачуи души моя многолетныя

страсти. Волнующаяся житейскою бурей, ко стези мя покаяния направи. Избави мя огня вечнующаго, и червля же злаго, и тартара. Да мя не явиши бесом радование, иже многим грехом повинника. Нова сотвори мя, обетшавшаго нечувственными, Пренепорочная, согрешении. Странна муки всякия покажи мя, и всех Владыку умоли. Небесная ми уллучити веселия, со всеми святыми, сподоби. Пресвятая Дево, услыши глас непотребнаго раба Твоего. Струю давай мне слезам, Пречистая, души моя скверну очищаючи. Стенания от сердца приношу Ти непрестанно, усердствуй, Владычице. Молебную службу мою приими, и Богу благоутробному принеси. Превышшая Ангел, мирскаго мя превышша слития сотвори. Светоносная Сене небесная, духовную благодать во мне направи. Руце воздею и устне к похвалению, осквернены скверною, Всенепорочная. Душетленных мя пакостей избави, Христа прилежно умоляючи; Ему же честь и поклонение подобает, и ныне и присно и во веки веков. Аминь.

*Молитва 8-я, ко Господу нашему Иисусу Христу*

Многомилостиве и Всемилостиве Боже мой, Господи Иисусе Христе, многия ради любви сшел и воплотился еси, яко да спасеши всех. И паки, Спасе, спаси мя по благодати, молю Тя; аще бо от дел спасеши мя несть се благодать, и дар, но долг, паче. Ей, многий в щедротах и неизреченный в милости! Веруй бо в Мя, рекл еси, о Христе мой, жив будет и не узрит смерти во веки. Аще убо вера, яже в Тя, спасает отчаянных, се верую, спаси мя, яко Бог мой

еси Ты и Создатель. Вера же вместо дел да вменится мне, Боже мой, не обрящещи бо дел отнюд оправдающих мя. Но та вера моя, да довлеет вместо всех, та да отвещает, та да оправдит мя, та да покажет мя причастника славы Твояе вечныя. Да не убо похитит мя сатана, и похвалится, Слове, еже отторгнути мя от Твояе руки и ограды; но или хошу, спаси мя, или не хошу, Христе Спасе мой, предвари скоро, скоро погибох: Ты бо еси Бог мой от чрева матери моея. Сподоби мя, Господи, ныне возлюбити Тя, якоже возлюбих иногда той самый грех; и паки поработали Тебе без лености тощно, якоже поработах прежде сатане льстивому. Наипаче же поработаю Тебе, Господу и Богу моему Иисусу Христу, во вся дни живота моего, и ныне и присно и во веки веков. Аминь.

### *Молитва 9-я, к Ангелу-хранителю*

Святый Ангеле, предстояй окаянной моей души и страстной моей жизни, не остави мене грешнаго, ниже отступи от мене за невоздержание мое. Не даждь места лукавому демону обладати мною, насильством смертнаго сего телесе; укрепи бедствующую и худую мою руку и настави мя на путь спасения. Ей, святой Ангеле Божий, хранителю и покровителю окаянных моя души и тела, вся мне прости, еликими тя оскорбих во вся дни живота моего, и аще что согреших в прешедшую ночь сию, покрый мя в настоящий день, и сохрани мя от всякаго искушения противнаго, да ни в коем гресе прогневаю Бога, и молися за мя ко Господу, да

утвердит мя в страхе Своем, и достойна покажет мя раба Свояа благодати. Аминь.

### *Молитва 10-я, ко Пресвятой Богородице*

Пресвятая Владычице моя Богородице, святыми Твоими и всесильными мольбами отжени от мене смиренного и окаянного раба Твоего уныние, забвение, неразумие, нерадение, и вся скверная, лукавая и хульная помышления от окаянного моего сердца и от помраченного ума моего; и погаси пламень страстей моих, яко нищ есмь и окаянен. И избави мя от многих и лютых воспоминаний и предприятий, и от всех действий злых свободи мя. Яко благословена еси от всех родов, и славится пречестное имя Твое во веки веков. Аминь.

### *Молитвенное призывание святого, имя которого носишь*

Моли Бога о мне, святой угодниче Божий (*имя*), яко аз усердно к тебе прибегаю, скорому помощнику и молитвеннику о душе моей.

### *Песнь Пресвятой Богородице*

Богородице Дево, радуйся, Благодатная Марие, Господь с Тобою; благословена Ты в женах и благословен плод чрева Твоего, яко Спаса родила еси душ наших.

### *Тропарь Кресту и молитва за отечество*

Спаси, Господи, люди Твоя, и благослови достояние Твое, победы на сопротивных даруя, и Твое сохраняя Крестом Твоим жительство.



*Молитва о живых*

Спаси, Господи, и помилуй отца моего духовного (*имя*), родителей моих (*имена*), сродников (*имена*), начальников, наставников, благодетелей (*имена их*) и всех православных христиан.

*Молитва об усопших*

Упокой, Господи, души усопших раб Твоих: родителей моих, сродников, благодетелей (*имена их*), и всех православных христиан, и прости им вся согрешения вольная и невольная, и даруй им Царствие Небесное.



*Если можешь, читай вместо кратких молитв о живых и усопших этот помянник.*

*О живых*

Помяни, Господи Иисусе Христе, Боже наш, милости и щедроты Твоя от века сущия, ихже ради и вочеловечился еси, и распятие и смерть, спасения ради право в Тя верующих, претерпети изволил еси; и воскрес из мертвых, вознесся еси на небеса и седиши одесную Бога Отца, и призираеши на смиренныя мольбы всем сердцем призывающих Тя: приклони ухо Твое, и услыши смиренное моление мене, непотребнаго раба Твоего, в воню благоухания духовнаго, Тебе за вся люди Твоя приносящаго. И в первых помяни Церковь Твою Святую, Соборную и Апостольскую, юже снабдел еси честною Твоею Кровию, и утверди, и укрепи, и разшири, умножи, умири, и непреобориму адовыми враты во веки сохрани; раздираня Церквей утиши,

шатания языческая угаси, и ересей востания скоро разори и искорени, и в ничтоже силую Святаго Твоего Духа обрати. (Поклон.)

Спаси, Господи, и помилуй Богом хранимую страну нашу, власти и воинство ея, огради миром державу их, и покори под нозе Православных всякаго врага и супостата, и глаголи мирная и благая в сердцах и о Церкви Твоей Святей, и о всех людех Твоих: да тихое и безмолвное житие поживем во правоверии, и во всяком благочестии и чистоте. (Поклон.)

Спаси, Господи, и помилуй Великаго Господина и Отца нашего Святейшего Патриарха Кирилла. Преосвященныя митрополиты, архиепископы и епископы православныя, иереи же и диаконы, и весь причет церковный, яже поставил еси пасти словесное Твое стадо, и молитвами их помилуй и спаси мя грешнаго. (Поклон.)

Спаси, Господи, и помилуй отца моего духовного (*имя его*), и святыми его молитвами прости моя согрешения. (Поклон.)

Спаси, Господи, и помилуй родители моя (*имена их*), братию и сестры, и сродники моя по плоти, и вся ближния рода моего, и други, и даруй им мирная Твоя и премирная благая. (Поклон.)

Спаси, Господи, и помилуй по множеству щедрот Твоих вся священноиноки, иноки же и инокини, и вся в девстве же и благоговении и постничестве живущия в монастырех, в пустынях, в пещерах, горах, столпех, затворех, разселинах каменных, островех же морских, и на всяком месте владычества Твоего правоверно живущия, и благочестно

служащая Ти, и молящаяся Тебе: облегчи им тяготу, и утешь их скорбь, и к подвигу о Тебе силу и крепость им подаждь, и молитвами их даруй ми оставление грехов. *(Поклон.)*

Спаси, Господи, и помилуй старцы и юныя, нищия и сироты и вдовицы, и сущия в болезни и в печалех, бедах же и скорбех, обстояниих и пленениих, темницах же и заточениих, изряднее же в гонениих, Тебе ради и веры православныя, от язык безбожных, от отступник и от еретиков, сущия рабы Твоя, и помяни я, посети, укрепи, утешь, и вскоре силою Твоею ослабу, свободу и избаву им подаждь. *(Поклон.)*

Спаси, Господи, и помилуй благотворящая нам, милующия и питающия нас, давшыя нам милостыни, и заповедавшыя нам недостойным молитися о них, и упокоевающия нас, и сотвори милость Твою с нами, даруя им вся, яже ко спасению прошения, и вечных благ восприятие. *(Поклон.)*

Спаси, Господи, и помилуй посланная в службу, путешествующия, отцы и братию нашу, и вся православныя христианы. *(Поклон.)*

Спаси, Господи, и помилуй ихже аз безумием моим соблазних, и от пути спасительнаго отвратих, к делом злым и неподобным приведох; Божиственным Твоим Промыслом к пути спасения паки возврати. *(Поклон.)*

Спаси, Господи, и помилуй ненавидящая и обидящая мя, и творящая ми напасти, и не остави их погибнути мене ради грешнаго. *(Поклон.)*

Отступившия от православныя веры и погибельными ересьми ослепленныя, светом Твоего позна-

ния просвети и Святей Твоей Апостольстей Соборной Церкви причти. (*Поклон.*)

### *Об усопших*

Помяни, Господи, от жития сего отшедшыя правоверныя цари и царицы, благоверныя князи и княгини, святейшыя патриархи, преосвященныя митрополиты, архиепископы и епископы православныя, во иерейстем же и в причте церковнем, и монашестем чине Тебе послужившыя, и в вечных Твоих селениях со святыми упокой. (*Поклон.*)

Помяни, Господи, души усопших рабов Твоих, родителей моих (*имена их*), и всех сродников по плоти; и прости их вся согрешения вольная и невольная, даруя им Царствие и причастие вечных Твоих благих и Твоея безконечныя и блаженныя жизни наслаждения. (*Поклон.*)

Помяни, Господи, и вся в надежди воскресения и жизни вечныя усопшия, отцы и братию нашу, и сестры, и zde лежащия и повсюду, православныя христианы, и со святыми Твоими, иде же присещает свет лица Твоего, всели, и нас помилуй, яко Благ и Человеколюбец. Аминь. (*Поклон.*)

Подаждь, Господи, оставление грехов всем прежде отшедшим в вере и надежди воскресения, отцем, братьям и сестрам нашим и сотвори им вечную память. (*Трижды.*)

### *Окончание молитв*

Достойно есть яко воистинну блажити Тя Богородицу, Присноблаженную и Пренепорочную и Матерь

Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.<sup>6</sup>

**Слава, и ныне:** Господи, помилуй. (*Трижды.*)

Господи Иисусе Христе, Сыне Божий, молитв ради Пречистыя Твоея Матере, преподобных и богоносных отец наших и всех святых помилуй нас. Аминь.

В пасхальную седмицу вместо утренних молитв читают пасхальные часы.

## МОЛИТВЫ В ПРОДОЛЖЕНИИ ДНЯ

### *Пред учением*

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякие скверны, и спаси, Блаже, души наша.

**Или:** Преблагий Господи! Низпосли нам благодать Духа Твоего Святаго, дарствующаго и укрепляющаго душевные наши силы, дабы внимая преподаваемому нам учению, возрасли мы Тебе, нашему

<sup>6</sup> От Пасхи до Вознесения вместо этой молитвы читается припев и ирмос 9-й песни пасхального канона:

«Ангел вопияше Благодатней: Чистая Дево, радуйся! И паки реку: радуйся! Твой Сын воскресе триндневен от гроба и мертвые воздвигнувый; людие, веселитесь!

Светися, светися, новый Иерусалиме, слава бо Господня на тебе возсия. Ликуй ныне и веселися, Сионе. Ты же, чистая, красуйся, Богородице, о востании Рождества Твоего».

Это замечание относится и к молитвам на сон грядущим.

Создателю, во славу, родителям же нашим на утешение, Церкви и Отечеству на пользу.

### *После учения*

Достойно есть, яко воистину, блажити Тя Богородицу, присноблаженную и пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

**Или:** Благодарим Тебе, Создателю, яко сподобил еси нас благодати Твоя, во еже внимати учению. Благослови наших начальников, родителей и учителей, ведущих нас к познанию блага, и подаждь нам силу и крепость к продолжению учения сего.

### *Пред обедом и ужином*

Отче наш, иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Или:** Очи всех на Тя, Господи, уповают, и Ты даеши им пищу во благовремени, отверзаеши Ты щедрую руку Твою, и исполняеши всякое животное благоволения.

### *После обеда и ужина*

Благодарим Тя, Христе Боже наш, яко насытил еси нас земных Твоих благ; не лиши нас и Небесного



## СОДЕРЖАНИЕ

<b>Молитвы ежедневные</b> .....	5
Молитвы утренние.....	5
Молитвы в продолжении дня .....	20
Молитвы на сон грядущим.....	22
<b>Каноны</b> .....	36
Канон покаянный ко Господу нашему Иисусу Христу .....	36
Канон молебный ко Пресвятой Богородице, поемый во всякой скорби душевной и обстоянии.....	43
Канон Ангелу-хранителю.....	53
<b>Последование ко Святому Причащению</b> . . . .	62
<b>Благодарственные молитвы по Святом Причащении</b> .....	87
<b>Молитвы о детях</b> .....	93
<i>Молитвы в просьбе родить     здоровых детей</i> .....	93
<i>Молитва в просьбе родить мальчика</i> . . .	97
<i>Молитвы в трудных родах</i> .....	99

<i>Молитвы о младенце неспящем. . . . .</i>	<i>107</i>
<i>Молитвенное возношение родителей за детей своих. . . . .</i>	<i>110</i>
<i>Молитвы в болезнях младенцев . . . . .</i>	<i>129</i>
<i>Молитвы о развитии ума у детей и просвещении разума к учению. . . . .</i>	<i>134</i>
<i>Молитвы о целомудрии и благополучном замужестве дочери. . . . .</i>	<i>147</i>
<i>Молитвы о работе и занятии для детей. . . . .</i>	<i>154</i>
<i>Молитвы когда от детей нет известий . . . . .</i>	<i>157</i>
<b>Молитвы о семейном счастьеи и о счастьеи в браке . . . . .</b>	<b>160</b>
<i>Молитвы о семейном счастьеи. . . . .</i>	<i>160</i>
<i>Молитвы о счастьеи в браке . . . . .</i>	<i>161</i>
<i>Молитвы о совете и любви между мужем и женой. . . . .</i>	<i>167</i>
<i>Молитвы о покровительстве семейного очага, о прекращении ненависти мужа к жене, о добрых отношениях в семье . . . . .</i>	<i>169</i>
<i>Молитвы о заступничестве вдовицам и сиротам, о помощи в бедности и нужде. . . . .</i>	<i>177</i>



Молитвы в болезнях.....185

Молитвы в житейских нуждах.....209

*Моление перед началом всякого  
доброго дела.....209*

*Моление о получении  
прошения.....210*

*Молитвы при открытии работ  
(на предприятиях, в мастерских  
и т. д.).....211*

*Молитвы о покровительстве  
в торговле.....218*

*Молитва о призвании помощи  
Духа Святаго во всяком добром  
деле.....218*

*Молитвы о плодородии земли,  
перед засевом и во время жатвы.....219*

*Молитва об избавлении полей,  
садов и огородов от вредителей.....226*

*Перед вкушением пищи.....227*

*После вкушения пищи.....228*

*Молитвы идущему в путь.....228*

*Молитвы о путешествующих.....230*

Молитвы при душевных недугах,  
скорбях и на разную потребу.....234

<i>Молитвы об умножении любви и искоренении ненависти и всякой злобы .....</i>	<i>234</i>
<i>Молитвы о ненавидящих и обидящих нас .....</i>	<i>234</i>
<i>Молитвы о прощении, заступлении и помощи .....</i>	<i>235</i>
<i>Молитва о своем покровительстве .....</i>	<i>237</i>
<i>Молитвы о заключенных .....</i>	<i>239</i>
<i>Молитвы на разную потребу .....</i>	<i>241</i>
<i>Молитва об отыскании украденного, от вора .....</i>	<i>242</i>
<i>Молитвы, если дела идут плохо .....</i>	<i>243</i>
<i>Молитвы, если одолевает тоска .....</i>	<i>244</i>
<i>Молитва, если чувствуешь себя одиноким или боязливым .....</i>	<i>245</i>
<i>Молитвы в грусти и унынии .....</i>	<i>247</i>
<i>Молитвы в отчаянии .....</i>	<i>255</i>
<i>Молитва против гордости .....</i>	<i>259</i>
<i>Молитвы от скоропостижной смерти .....</i>	<i>263</i>
<i>Молитвы в скорби .....</i>	<i>266</i>
<i>Заупокойные молитвы .....</i>	<i>274</i>

Духовно-просвітнє видання

## **Сімейний молитовник**

*(російською мовою)*

Укладач *МИХАЛІЦИН Павло Євгенійович*

Головний редактор *С. С. Скляр*  
Завідувач редакції *К. В. Новак*  
Відповідальний за випуск *І. Г. Веремій*  
Художній редактор *С. В. Місяк*  
Технічний редактор *В. Г. Євлахов*  
Коректор *О. О. Григор'єва*

Підписано до друку 26.12.2014.  
Формат 70х90/32. Друк офсетний.  
Гарнітура «Mysl». Ум. друк. арк. 10,53.  
Наклад 10000 пр. Зам. № .

Книжковий Клуб «Клуб Сімейного Дозвілля»  
Св. № ДК65 від 26.05.2000  
61140, Харків-140, просп. Гагаріна, 20а  
E-mail: [corp@bookclub.ua](mailto:corp@bookclub.ua)

Отпечатано в ОАО «Харьковская книжная фабрика “Глобус”»  
61012, г. Харьков, ул. Энгельса, 11  
Свидетельство ДК № 2891 от 04.07.2007 г.  
[www.globus-book.com](http://www.globus-book.com)

Духовно-просветительное издание

## Семейный молитвослов

Составитель *МИХАЛИЦЫН Павел Евгеньевич*

Главный редактор *С. С. Скляр*  
Заведующий редакцией *Е. В. Новак*  
Ответственный за выпуск *И. Г. Веремей*  
Художественный редактор *С. В. Мисяк*  
Технический редактор *В. Г. Евлахов*  
Корректор *О. О. Григорьева*

Подписано в печать 26.12.2014.  
Формат 70х90/32. Печать офсетная.  
Гарнитура «Mysl». Усл. печ. л. 10,53.  
Тираж 10000 экз. Зак. № .

ООО «Книжный клуб «Клуб семейного досуга»»:  
308015, г. Белгород, ул. Пушкина, 49А

Отпечатано в ОАО «Харьковская книжная фабрика «Глобус»»  
61012, г. Харьков, ул. Энгельса, 11  
Свидетельство ДК № 2891 от 04.07.2007 г.  
[www.globus-book.com](http://www.globus-book.com)